

針灸大成

衛生鍼灸玄機秘要敘

嘗聞醫道通於儒而其功與
相等埒得非以儒者運心極
而劑量之能使天下和平與
醫之起瘍興疴躋天下於仁
壽其事與功均也然儒者未
能窮經反約則施且必悖終

無補於治功而醫家治六氣之淫辨五方之感察百病之因其說具在載籍無慮數拾百種專業是者未能窮而反之得其說於會通吾未見其功之能相也竊嘗譬之執方待病者刑名之餘緒也導引

不藥者黃老之遺謀也而均
之弗足以收和平之功正惟
其戾於儒耳三衢楊子繼洲
幼業舉子博學績文一再厄
於有司遂棄其業業醫醫固
其世家也祖父官太醫授有
真秘纂脩集驗醫方進呈

上命鐫行天下且多蓄貯古醫
家抄籍楊子取而讀之積有
歲年寒暑不輟倬然有悟復
慮諸家書弗曾於一乃叅合
指歸彙同攷異手自編摩凡
鍼藥調攝之法分圖析類為
天地人卷題曰玄機秘要誠

稽此而鑒道指掌矣

世宗朝命 太宗伯試異選侍
內廷功績懋著而人以疾病死
瘍造者應手奏効聲名籍甚
曾在朝善楊子究其自出是
編諸公嘉之為壽諸梓以惠
後學請序於余余素知楊子

去儒業業醫今果能以醫道
侔相功益信儒道之通於醫
也是編出而醫道其指南焉
神明在人壽域咸濟諸公之
仁溥矣遠矣是為序

賜進士第太子太保吏部尚書
瀕澤踈菴王國光書

刻鍼灸大成序

醫闕戎命其通尚矣碩古之名醫率
先鍼砭而黃岐問難於此科爲獨詳
精其術者立起沉痾見效捷於藥餌
迺來鍼瀆絕傳殊爲可惜余承乏
三晉值時多事羣小負隅萬姓倒
懸目擊民艱弗克匡濟由是憤鬱

於中遂成痿痺之疾醫人接踵日
試丸劑莫能奏功乃於都門延名
鍼楊繼洲者至則三鍼而愈隨出家
傳秘要以觀乃知術之有所本也將付
之梓人猶以諸家未備後廣求羣
書若神應經古今醫統乾坤生
意醫學入門醫經小學鍼灸等書

鍼灸聚英鍼灸提要小兒按摩凡有
關於鍼灸者悉採集之更考素問難
經以爲宗主鍼瀉綱目備載之矣且令
能匠於太醫院肖刻銅人像詳著其
穴並刻畫圖令學者便覽而易知焉
余有憂於時事愧無寸補恨蚤年不
攻是業反能濟人利物也因刻是書

傳揚宇內必有仁人君子誦而習之精
其術以壽斯民者是爲序

皆

萬曆辛丑桂月吉日

巡按山西監察御史燕趙含章

趙文炳書

鍼灸大成目錄

一卷

仰人周身總穴圖

伏人周身總穴圖

鍼道源流

鍼灸方宜始論

以下至刺法論俱素問

刺熱刺瘡論

刺欬刺腰痛論

奇病論

刺要刺齊論

刺志長刺節論

皮部經絡骨空論

刺水熱穴論

調經繆刺論

經刺巨刺論

手足陰陽流注論

衛氣行論

診要經絡論

刺禁論

刺法論

難經難經本義

二卷

周身經穴賦醫經小學

百症賦聚英

標幽賦楊氏註解

席弘賦鍼灸大全

金鍼賦楊氏註解

玉龍賦聚英

通玄指要賦楊氏註解

靈光賦鍼灸大全

蘭江賦楊氏集

流注指微賦素氏

三卷

五運六氣歌醫經小學

百穴法歌神應經

十二經脉歌 聚英

玉龍歌 楊氏註解

勝玉歌 楊氏

雜病穴法歌 醫學

雜病十一穴歌 聚英

長桑君天星秘訣歌 以下乾坤生意

馬丹陽天星十二穴歌

肘後歌 聚英

鍼內障秘要歌 楊氏

補瀉雪心歌 以下俱聚英

行鍼總要歌

刺法啓玄歌

諸家得失策 以下俱楊氏

頭不多灸策

穴有奇異策

鍼有淺深策

四卷

仰人腹穴尺寸圖 以下俱醫統

伏人背穴尺寸圖

中指取寸圖

九鍼論

九鍼式

製鍼法

內經補瀉素問

難經補瀉難經本義

神應經補瀉本經

南豐李氏補瀉醫學府

四明高氏補瀉聚英

三衢楊氏補瀉玄機秘要

生成數聚英

經絡迎隨設為問答楊氏

禁鍼禁灸歌以下俱
醫統

太乙禁忌圖

况神禁忌圖

人神禁忌圖

五卷

十二經井穴圖楊氏

井榮俞原經合歌圖聚英

子午流注日時定穴歌徐氏十二經納干支歌以下俱徐氏

流注圖

論子午流注法

臟腑并榮俞經合主治聚十二經病補瀉迎隨以下俱聚

十二經氣血多少歌

十二經治症主客圖楊氏

靈龜飛騰圖以下俱徐氏

八脉交會八穴歌

八法五虎建元日時歌 八法逐日臨時干支歌

六十甲子日時穴開圖 八脉圖并治症穴徐氏

六卷

五臟六腑圖以下俱楊氏

經穴起止歌

肺臟圖

手太陰經穴主治

大腸腑圖

手陽明經穴主治

胃腑圖

足陽明經穴主治

脾臟圖

足太陰經穴主治

心臟圖

手少陰經穴主治

小腸腑圖

手太陽經穴主治

膀胱腑圖

足太陽經穴主治

腎臟圖

足少陰經穴主治

七卷

仰人經穴圖

以下俱醫統

伏人經穴圖

心包絡圖

以下至督脉圖俱楊氏集

手厥陰經穴主治

三焦腑圖

手少陽經穴主治

膽腑圖

足少陽經穴主治

肝臟圖

足厥陰經穴主治

任脉圖經穴主治

督脉圖經穴主治

奇經八脉

以下俱節要

十五絡脉

十二經筋

五募八會

聚英

治病要穴

醫學入門

經外奇穴

楊氏

穴同名異

以下聚英

名同穴異

八卷

穴法圖

下至瘡毒門俱神應經

諸風傷寒門

痰喘咳嗽門

諸般積聚門

腹痛脹滿門

心脾胃門

心邪癲狂門

霍亂瘡疾門

腫脹汗痺厥門

腸痔大便門

陰疝小便門

頭面咽喉門

耳目鼻口胸背門

手足腰腋門

婦人小兒門

瘡毒門

續增治法

徐氏 聚英
乾坤生意

九卷

治症總要 楊氏

東垣鍼法

以下俱
聚英

名醫治法

鍼邪秘要 楊氏

捷要灸法 醫學入門

取四花穴法 崔氏

騎竹馬灸法 楊氏

灸勞穴心氣法 以下俱楊氏集

灸痔漏疝氣法

灸腸風下血法

灸結胸傷寒法

蒸臍治病法

千金灸法

寶鑑發灸法

艾灸補瀉

貼洗灸瘡法

灸後調攝法

附楊氏醫案

十卷

要穴圖

下至諸症治法俱按序經

手法歌

觀形察色法

認筋法歌

面部五位圖

陽掌陰掌圖

三關六筋圖

掌紋斗肘圖

初生調護

面色圖歌

察色驗病訣

內外八段錦

三關要訣手訣

六筋手面指足訣

諸驚推揉等法

諸穴治法

嬰童雜症

諸症治法

附辨

醫統

請益

新增

目錄畢

針灸大成卷之一

仰人周身總穴圖

伏人周身總穴圖

針道源流

針灸方宜始論

刺熱刺癰論

刺欬刺腰痛論

奇病論

刺要刺齊論

刺志長刺節論

皮部經絡骨空論

刺水熱穴論

調經繆刺論

經刺巨刺論

手足陰陽流注論

衛氣行論


診要經絡論

刺禁論

刺法論

難經

仰人周身總穴圖



伏人周身總穴圖



針道源流

素問十二卷。世稱黃帝岐伯問答之書。及觀其旨意。殆非一時之言。而所撰述。亦非一人之手。劉向指為諸韓公子所著。程子謂出戰國之末。而其大略正如禮記之萃於漢儒。而與孔子子思之言並傳也。蓋靈蘭秘典。五常正大。六元正紀。等篇。無非闡明陰陽五行生制之理。配彖合德。實切于人身。其諸色脉病名。針刺治要。皆推是理以廣之。而皇甫謐之甲乙。楊上善之太素。亦皆本之于此。而微有異同。醫家之綱法。無越于是。書矣。然按西漢藝文志。有內經十八卷。及扁

鵲名。白氏云。內經凡三家。而素問之目。乃不列。至隋
經籍志。始有素問之名。而指為內經。唐王冰。乃以九
靈九卷。牽合漢志之數。而為之註釋。復以陰陽大論。
托為師張公所藏。以補其亡逸。而其用心。亦勤矣。惜
乎朱墨混淆。玉石相亂。訓詁失之于迂疎。引援或至
于未切。至宋林億。高若訥等。正其誤文。而增其缺義。
頗於冰為有功。

難經十三卷。秦越人祖述黃帝內經。設為問答之辭。以
示學者。所引經言。多非靈素本文。蓋古有其書。而今
亡之耳。隋時有呂博望。註本不傳。宋王惟一集五家

之說而醇疵或相亂。惟虞氏粗為可觀。紀齊卿註稍密。乃附辨楊玄操呂廣王宗正三子之非。周仲立頗加訂易。而考證未明。李子野亦為句解。而無所啓發。近代張潔古註後附藥。殊非經義。王少卿演繹其說。目曰重玄。亦未足以發前人之蘊。滑伯仁取長弃短。折衷以己意。作難經本義。

子午經一卷。論針灸之要。撰成歌訣。後人依托扁鵲者。銅人針灸圖三卷。宋仁宗詔王維德考次針灸之法。鑄銅人為式。分腑臟十二經。旁註俞穴所會。刻題其名。并為圖法。并主療之術。刻板傳于世。夏竦為序。然其

邪穴比之靈樞本輸骨空等篇頗亦繁雜也。

明堂針灸圖三卷。題曰黃帝論人身俞穴及灼灸禁忌。曰明堂者。謂雷公問道黃帝授之。亦後人所依托者。存真圖一卷。晁公謂楊介編崇寧間泗州刑賊于市。郡守李夷行遣醫并畫工往親決膜。摘膏肓曲折圖之。盡得纖悉。介校以古書。無少異者。比歐希五臟圖過之遠矣。實有益醫家也。王莽時捕得翟義黨王孫慶。使太醫尚方與巧屠共剗剗之。量度五臟以竹筵道其脉。知所終始。可以治病。亦此意耳。

膏肓灸法二卷。清源莊綽季裕所集。

千金方三十卷。唐孫思邈所撰。用藥之方。診脉之訣。針灸之穴。禁忌之法。至導引之要。無不周悉。曰千金者。以人命至重。有貴千金。議者謂其未知傷寒之數。千金翼方三十卷。孫思邈掇拾遺帙。以羽翼其書。首之以藥錄。次之以婦人傷寒。小兒養性。辟穀。退居補益。雜症。瘡癰。色脉。針灸。而禁術終焉。

外臺秘要。唐王勣在臺閣二十年。久知弘文館。得古方書千百卷。因述諸症候。附以方藥符禁。灸之法。凡一千一百四門。天寶中。出守房陵。及大寧郡。故名焉。金蘭循經。元翰林學士。忽泰必列所著。其子光濟銓次。

大德癸卯。平江郡文學。嚴陵邵文龍為之序。首繪臟腑前後二圖。中述手足三陰三陽走屬。繼取十四經絡流注。各為註釋。列圖于後。傳之北方。白恒山董氏。鐫梓吳門。傳者始廣。

濟生拔萃十九卷。一卷取針經節要。三卷集潔古雲岐針法。寶氏流注。三卷針經摘英。首針法以倣古制也。延佑間杜思敬所撰者。

針經指南。古肥竇漢卿所撰。首標幽賦。次定八穴指法。及叶贅宮圖。頗與素問有不合者。

針灸雜說。建安竇桂芳類次。取千金禁忌人神。及離合

真邪論未能曲盡針灸之妙。

資生經東嘉王執中叔雅取三百六十穴背面顛末行
分類別以穴屬病蓋合銅人千金明堂外臺而一之
者也。

十四經發揮三卷許昌滑壽伯仁傳針法于東平高洞
陽得其開闔流注交別之要至若陰陽維蹻帶衝六
脉皆有繫屬而惟督任二經則包乎背腹而有專穴
諸經滿而溢者此則受之宜與十二經並論通考透
穴六百五十有七而施治功以盡醫之神秘。

神應經二卷乃宏綱陳會所撰先著席愛書十二卷慮

其浩瀚獨取一百一十九穴為歌為圖仍集治病要
穴總成一帙以為學者守約之規南昌劉瑾校。

針灸節要三卷聚英四卷乃四明梅孤高武纂集。

針灸捷要燕山廷瑞徐鳳著集。

玄機秘要三卷繼洲楊濟時家傳著集。

小兒按摩經四明陳氏著集。

古今醫統乾坤生意醫學入門醫經小學中取關於針
灸者其姓氏各見原書。

針灸大成總輯以上諸書類成一部分為十卷委晉陽

靳賢選集校正。

鍼灸直指

素問

鍼灸方宜始論

黃帝問曰。醫之治病也。一病而治各不同。皆愈何也。岐伯對曰。地勢使然也。故東方之域。天地之所始生也。魚鹽之地。海濱傍水。其民食魚而嗜鹹。皆安其處。美其食。魚者使人熱中。鹽者勝血。故其民皆黑色。疎理。其病皆為癰瘍。其治宜砭石。故砭石者。亦從東方來。西方者。金玉之域。沙石之處。天地之所收引也。其民陵居而多風。水土剛強。其民不衣而褐薦。其民華食而脂肥。故邪不能傷其形體。其病生於內。其治宜毒藥。故毒藥者。亦從西方來。北方者。天地

所閉藏之域也。其地高陵居。風寒冰冽。其民樂野處而乳食。臟寒生滿病。其治宜灸炳。故灸炳者亦從北方來。南方者。天地所長養。陽之所盛處也。其地下。水土弱。霧露之所聚也。其民嗜酸而食脯。故其民皆紋理而赤色。其病攣痺。其治宜微鍼。故九鍼者亦從南方來。中央者。其地平以濕。天地所以生萬物也衆。其民食雜而不勞。故其病多痿厥寒熱。其治宜導引按蹻。故導引按蹻者亦從中央出也。故聖人雜合以治。各得其所宜。故治所以異而病皆愈者。得病之情。知治之大體也。

刺熱論

不得太息。頭痛不堪。汗出而寒。丙丁甚。庚辛大汗。氣逆則
丙丁死。刺手太陰。陽明出血如大豆立已。腎熱病者。先腰
痛。脘痠苦渴。數飲。身熱熱爭。則項痛而強。肝寒且痠。足下
熱不欲言。其逆則項痛員員澹澹然。戊己甚。壬癸大汗。氣
逆則戊己死。刺足少陰。太陽諸汗者。至其所勝日汗出也。
肝熱病者。左頰先赤。心熱病者。顏先赤。脾熱病者。鼻先赤。
肺熱病者。右頰先赤。腎熱病者。頤先赤。病雖未發。見赤色
者。刺之名曰治未病。熱病從部所起者。至期而已。期為大
如肝乙其刺之反者。三周而已。反謂反取其氣也。如肝病刺
甲乙刺肝。三周謂三周于三陰三陽之重滿則死。諸當汗者。至

珠狀也。如太陽病而刺瀉陽明也。重滿則死。諸當汗者。至

其所勝日汗大出也。諸治熱病以飲之寒水乃刺之必寒

衣之。居止寒處身寒而止也。熱病先胸脇痛手足躁刺足

少陽補足太陰病甚者為五十九刺。熱病始手臂痛者刺

手陽明太陰而汗出止。熱病始于頭首者刺項太陽而汗

出止。熱病始于足脛者刺足陽明而汗出止。熱病先身重

骨痛耳聾好瞑刺足少陰病甚為五十九刺。熱病先眩冒

而熱胸脇滿刺足少陰少陽。亦并太陽之脉色榮顴骨熱

病也。榮飾也。榮未交曰今且得汗待時而已。待時者謂肝病

與厥陰脉爭見者死。期不過三日。外見太陽之赤色內應

敗木復狂行。其熱病內連腎少陽之脉色也。病一作氣少陽之

脉色榮頰前熱病也。榮未交曰。今且得汗。待時而已。與少陰脉爭見者。死期不過三日。熱病氣穴三椎下間主胸中。熱四椎下間主高中熱。五椎下間主肝熱。六椎下間主脾熱。七椎下間主腎熱。榮在骶也。項上三椎陷者中也。頰下逆觀為大瘕。下牙車為腹滿。觀後為脇痛。頰上者鬲上也。

刺瘡論

黃帝問曰。刺瘡奈何。岐伯對曰。足太陽之瘡。令人腰痛。頭重。寒從背起。先寒後熱。痛高。喝喝然。熱止汗出。難已。刺郄中出血。針一分。金門一云委中。足少陽之瘡。令人身體解。仿寒不甚。熱不甚。惡見人見人。心惕惕然。熱多汗出甚。刺足

少陽

灸可三壯

足陽明之瘡。令人先寒。洒淅洒淅。寒甚。

久乃熱。熱去汗出。喜見日月光。火氣乃快。然刺足陽明跗

上。

衝陽針三分。灸可三壯。

足太陰之瘡。令人不樂。好太息。不嗜食。多

寒熱。汗出。病至則善嘔。嘔已乃衰。即取之。

公孫針四分。灸可三壯。

少陰之瘡。令人嘔吐甚。多寒熱。熱多寒少。欲閉戶牖而處。

其病難已。

大鍾針二分。太谿針三分。各灸三壯。

足厥陰之瘡。令人腰痛。少腹

滿。小便不利。如癰狀。非癰也。數便意。恐懼。氣不足。腹中悵。

悵。

刺足厥陰。太衝針三分。灸可三壯。

肺瘡者。令人心寒。寒甚。熱熱。聞善驚。如有所見者。刺手太

陰陽明。

列缺針三分。灸五壯。合谷針三分。灸二壯。

心瘡者。令人煩心。甚欲得清。

水反寒多。不甚熱。刺手少陰。

神門針三分。灸可三壯。

肝瘡者。令人色

蒼蒼然。太息。其狀若死者。刺足厥陰。見血。

中封針四分。灸可三壯。脾

瘡者。令人寒。腹中痛。熱則腸中鳴。鳴已汗出。刺足太陰。

商

可針三分。灸腎瘡者。令人洒洒然。腰脊痛。宛轉大便難。目眴

眴然。手足寒。刺足太陽少陰。

足太陽金門。足少陰太谿。

胃瘡者。令人疽

病也。善饑而不能食。食而支滿。腹大刺。足陽明太陰橫脉

出血。

厲兌針一分。灸一壯。解谿針五分。灸二壯。三里針一

瘡發身方熱。刺肘上動脉。

謂陽明脉。

開其孔。出其血。立寒。瘡方

欲寒。刺手陽明太陰。足陽明太陰。

亦開孔。

瘡脉滿大。急刺

背俞。用中針。傍五腧俞各一。適肥瘦。出其血。

謂諸瘡脉。

小實急。灸脛少陰。刺指井。復瀉針三分。灸可五壯。井瘡脉

滿大急。刺背俞。用五腧俞。背俞各一。適行于血也。瘡脉緩。

大虛。便用藥。不宜用針。凡治瘡。先發如食頃。乃可以治。過

之則失時也。諸瘡而脉不見。刺十指間出血。血去必已。先

視之。赤如小豆者。盡取之。十二瘡者。其發各不同時。察其

病形。以知其何脉之病也。先其發時。如食頃而刺之。一刺

則衰。二刺則知。三刺則已。不已。刺舌下兩脉出血。不已。刺

郄中盛經出血。又刺項已下俠脊者必已。俠脊者謂大杼。針三分。灸五壯。

風門熱府。針五壯。灸可五壯。舌下兩脉者。廉泉也。針三分。灸三壯。刺瘡者。必先

問其病之所先發者。先刺之。先頭痛及重者。先刺頭上。及

兩額兩眉間出血

頭謂上星百會。額謂懸顙。眉間謂橫竹等穴是也。

先項背痛者。

先刺之。

風池。風府。大杼。神道。

先腰脊痛者。先刺郄中出血。先手臂痛

者。先刺手少陰陽明。十指間先足脛痠痛者。先刺足陽明

十指間出血。風癰瘡發則汗出。惡風刺三陽經背俞之血

者。肝痠痛甚。按之不可。名曰肝髓病。以鑱針針絕骨出血。

立已。身體小痛。刺至陰。諸陰之井。無出血。間日一刺。瘡不

渴。間日而作。刺足太陽。渴而間日作。刺足少陽。溫瘧汗不

出。為五十九刺。

刺欬論

黃帝問曰。肺之令人欬。何也。岐伯對曰。五臟六腑皆令人

欬非獨肺也。帝曰：頭聞其狀曰：皮毛者，肺之合也。皮毛先受邪氣，邪氣以從其合也。其寒飲食入胃，從肺脉上至于肺，則肺寒。肺寒則外內合邪，因而客之，則為肺欬。五臟各以其時受病，非其時各傳以與之。時謂人與天地相參，故五臟各以治時感于寒，則受病微，則為欬；甚者為泄，為痛。乘秋則肺先受邪，乘春則肝先受之，乘夏則心先受之，乘至陰則脾先受之，乘冬則腎先受之。帝曰：何以異之？曰：肺欬之狀，欬而喘息有音，甚則唾血；心欬之狀，欬則心痛，喉中介介如梗狀，甚則咽腫喉痺；肝欬之狀，欬則兩脇下痛；脾欬之狀，欬則右胠下痛；甚則不可以轉，轉則兩胠下滿；脾欬之狀，欬則右胠下痛。

陰陰引肩背甚則不可以動動則欬劇腎欬之狀欬則腰背相引而痛甚則欬涎帝曰六腑之欬奈何安所受病曰五臟之久欬乃移于六腑脾欬不已則胃受之胃欬之狀欬而嘔嘔甚則長虫出肝欬不已則胆受之胆欬之狀欬嘔胆汁肺欬不已則大腸受之大腸欬狀欬而遺矢心欬不已則小腸受之小腸欬狀欬而失氣氣與欬俱失腎欬不已則膀胱受之膀胱欬狀欬而遺溺又欬不已則三焦受之三焦欬狀欬而腹滿不欲食飲此皆聚于胃關於肺使人多涕唾而面浮腫氣逆也帝曰治之奈何岐伯曰治臟者治其俞治腑者治其合浮腫者治其經

刺腰痛論。

黃帝問曰腰痛起於何脉。刺之奈何。岐伯曰足太陽脉令人腰痛引項脊尻背如重狀。刺其郄中。太陽正經出血。春無見血。少陽令人腰痛如以針刺其皮中。循循然不可以俛仰。不可以顧。刺少陽成骨之端出血。成骨在膝外廉之骨獨起者。夏無見血。陽明令人腰痛不可以顧。顧如有見者。善悲。刺陽明于脢前三痛。上下和之出血。秋無見血。三即里足少陰令人腰痛痛引脊內廉。刺少陰於內踝上二痛。冬無見血。出血太多不可復也。三即復滿穴。針五壯。厥陰之脉令人腰痛腰中如張弓弩弦。刺厥陰之脉在臍踵魚腹之外。

循之累累然乃刺之。

分。灸三壯。

其病令人善言嘿嘿然不

慧刺之三病。

善字。

解脉令人腰痛痛而引肩目眈眈然

時遺洩刺解脉在膝筋肉分間郄外廉之橫脉出血血變

而止解脉令人腰痛如引帶常如折腰狀善恐刺解脉在

郄中結絡如黍米刺之血射以黑見赤血而已同陰之脉

令人腰痛痛如小錘鋸其中怫然腫

小針

刺同陰之脉在

外踝上絕骨之端為三病陽維之脉令人腰痛痛上怫然

腫刺陽維之脉脉與太陽合膈下間去地一尺所

承山針

樞衡絡之脉令人腰痛不可以俛仰則恐仆得之舉重傷

腰。衡絡絕惡血歸之刺之在郄陽筋之間二郄數寸衡居。

為二瘡出血

委陽針十分。三壯。會陰之脉。

令人腰痛。痛上

潔潔然汗出。汗乾令人欲飲。飲已欲走。刺直陽之脉上三

瘡。在躄上郤下五寸橫居。視其盛者出血。

一云承陰維之筋。禁針。

脉令人腰痛。痛上拂拂然。甚則悲以恐。刺飛揚之脉。在內

踝上五寸。

一作七寸。

少陰之前。與陰維之會。

復溜。築賓。俱針。三分。灸五壯。

陽之脉令人腰痛。痛引膺。目眈眈然。甚則反折。舌卷不能言。刺內筋為二瘡。在內踝上大筋前。太陰後。上踝二寸所

交信穴。

散脉令人腰痛而熱。熱甚生煩。腰下如有橫木居其

中。甚則遺洩。刺散脉。在膝前骨肉分間。絡外廉束脉為三

瘡。

地機穴。

肉里之脉令人腰痛。不可以欬。欬則筋縮急。刺肉

里之脉為二肅在太陽之外少陽絕骨之後腰痛俠脊而

痛至頭兀兀然目眈眈欲僵仆刺足太陽郄中出血一作兀

沉腰痛上寒刺足太陽陽明上熱刺足厥陰不可以俛仰

刺足少陽中熱而喘刺足少陰刺郄中出血腰痛上寒不

可顧刺足陽明三里上熱刺足太陰機中熱而喘刺足少

陰湧泉大便難刺足少陰湧泉少腹滿刺足厥陰衝如折不

可以俛仰不可舉刺足太陽脊中引脊內廉刺足

少陰復溜腰痛引少腹控眇不可以仰刺腰尻交者兩髀

腫上以月生死為瘡數發針立已腰髀下第四髀即下左

取右右取左痛在左針右痛在右針左所以然者

奇病論。

岐伯曰。人有重身。九月而瘠。名曰胞之絡脉絕也。無治。當十月復。○病脇下滿。氣逆二三歲不已。名曰息積。不可灸。刺為導。引服藥。○人身體脾股肱皆腫。環臍而痛。名曰伏梁。不可動之。動謂齊其毒藥而擊動之。動之為水溺瀦之病也。○人有尺脉數甚。筋急而見。名曰疹筋。是人腹必急。白色黑色見。則病甚。○人有病頭痛數歲不已。名曰厥逆。謂所犯大寒。內至骨髓。髓以腦為主。腦逆故令頭痛。齒亦痛。○有病口甘者。名曰脾痺。痺謂熱也。謂人數食甘美而多肥。肥者令人內熱。甘者令人中滿。故氣上溢。轉為消渴。治之以蘭。除陳氣。

也。○有病口苦者。名曰胆瘴。治之以胆募俞。○有瘕者。日數十洩。此不足也。身熱如炭。頸膺如格。人迎躁盛。喘息氣逆。此有餘也。太陰脉細微如髮者。此不足也。五有餘。二不足。名曰厥死不治。○人初生病。癰疾者。名曰胎癰。謂在母腹中感驚。令子發為癰也。○有病慄然如有水狀。切其脉大緊。身無痛者。形不瘦。不能食。食少。名曰腎風。腎風而不能食。善驚。驚已。心氣痿者死。○有病怒狂者。名曰陽厥。謂陽氣因暴折而難決。故善怒也。治之當奪其食。即已。使之服以生鐵洛。為飲。鐵洛夫生鐵洛者。下氣疾也。

刺要論

黃帝問曰。願聞刺要。岐伯對曰。病有淺深。刺有淺深。各至其理。無過其道。過之則內傷。不及則生外壅。壅則邪從之。淺深不得。反為大賊。內動五臟。後生大病。故曰。病有在毫毛腠理者。有在皮膚者。有在肌肉者。有在脉者。有在筋者。有在骨者。有在髓者。是故刺毫毛腠理者。無傷皮。皮傷內動肺。肺動則秋病溫瘧。汴汴然。寒慄刺皮無傷肉。肉傷則內動脾。脾動則七十二日。四季之月。病腹脹煩不嗜食。刺肉無傷脉。脉傷則內動心。心動則夏病心痛。刺脉無傷筋。筋傷則內動肝。肝動則春病熱而筋弛。刺筋無傷骨。骨傷則內動腎。腎動則冬病脹腰痛。刺骨無傷髓。髓傷則銷鑠。

肝痠體解亦然不去矣。

刺齊論

黃帝問曰。願聞刺淺深之分。岐伯曰。刺骨無傷筋者。針至筋而去。不及骨也。刺筋無傷肉者。至肉而去。不及筋也。刺肉無傷脉者。至脉而去。不及肉也。刺脉無傷皮者。至皮而去。不及脉也。所謂刺皮無傷肉者。病在皮中。針入皮中。無傷肉也。刺肉無傷筋者。過肉中筋也。刺筋無傷骨者。過筋中骨也。此謂之反也。

刺志論

黃帝問曰。願聞虛實之要。岐伯對曰。取實形實。氣虛形虛。

此其常也。反此者病。穀盛氣盛，穀虛氣虛。此其常也。反此者病。脉實血實，脉虛血虛。此其常也。反此者病。帝曰：如何而反？岐伯曰：氣虛身熱，此謂反也；穀入多而氣少，此謂反也；穀不入而氣多，此謂反也；脉盛血少，此謂反也；脉小血多，此謂反也。氣盛身寒，得之傷寒；氣虛身熱，得之傷暑。穀入多而氣少者，得之有所脫血，濕居下也；穀入少而氣多者，邪在胃及與肺也。脉小血多者，飲中熱也；脉大血少者，脉有風氣，水漿不入，此之謂也。

長刺節論

岐伯曰：刺家不診，聽病者言，在頭頭、疾痛，為藏針之刺。至

骨病已上無傷骨肉及皮者道也。陰刺入一旁四處治

寒熱。陰刺謂深刺。深專者刺大臟。迫臟刺背。背俞也。刺之迫臟

職會。腹中寒熱去而止。刺俞之要。發針而淺出血。治腐腫

者刺筋上。視癰小大深淺刺。刺大者多血。小者深之。必端

內針為故。止病在少腹有積。刺皮髓以下。至少腹而止。刺

俠脊兩旁四椎間。刺兩髂膠。季脇肋間。導腹中氣。熱下已

五椎一作五。謂心俞應少腹。病在少腹。腹痛不得大小便。病名曰

疝。得之寒。刺少腹兩股間。刺腰髀骨間。刺而多之。盡炅病

已。炅熱也。病在筋。筋絡痛。不可以行。名曰筋痺。刺筋上為

故。刺分肉間。不可中骨也。病起筋。久病已。乃止。病在肌膚。

肌膚盡痛名曰肌痺。傷於寒濕刺大分小分多發針而深之以熱為故無傷筋骨傷筋骨癱發若變諸分盡熱病已止病在骨骨重不可舉骨體痠痛寒氣至名曰骨痺深者刺無傷肌肉為故其道大分小分骨熱病已止病在諸陽脉且寒且熱諸分且寒且熱曰狂。氣狂也刺之虛脉視分盡熱病已止病初發歲一發不治月一發不治月四五發名曰癰病刺諸分諸脉其無寒者以針調之病已止病風且寒且熱炅汗出一日數過先刺諸分理絡脉汗出且寒且熱三日一刺百日而已病大風骨節重贅眉墮名曰大風刺肌肉為故汗出百日刺骨髓汗出百日凡二百日鬚眉

一卷
生而止針。

皮部論

帝曰。皮之十二部。其生病皆何如。岐伯曰。皮者。脉之部也。邪客于皮。則腠理開。開則邪入。客于絡脉。絡脉滿則注于經脉。經脉滿則入舍于腑臟也。故皮者有分部。不與而生大病也。不與。說不愈也。

經絡論

黃帝問曰。夫絡脉之見也。其五色各異。青黃赤白黑不同。其故何也。岐伯對曰。經有常色。而絡無常變也。帝曰。經之常色何如。曰。心赤。肺白。肝青。脾黃。腎黑。皆亦應其經脉之

色也。帝曰：絡之陰陽亦應其經乎？曰：陰絡之色應其經陽絡之色，變無常，隨四時而行也。寒多則凝，凝則青黑；熱多則淖澤，淖澤則黃赤。此皆常色，謂之無病。五色具見者，謂之寒熱。

骨空論

黃帝問曰：余聞風者百病之始也，以針治之奈何？岐伯對曰：風從外入，令人振寒，汗出，頭痛，身重，傷寒治在風府，調其陰陽。不足則補，有餘則瀉。大風頸項痛，刺風府。大風汗出，灸譙譙，以手壓之。令病者呼譙譙，譙譙應手。從風憎風，刺眉頭。即橫竹刺三分。若灸三壯。失枕在肩上橫骨間。即缺盆。折使搖臂。

齊肘正灸脊中。

即背陽關五分。灸三壯。

針少絡季脇。引少腹而痛脹刺。

意諱。

眇謂俠脊兩旁空軟處。

腰痛不可以轉搖急引陰卵。刺八髎與

痛上。八髎在腰尻分間。鼠瘻寒熱還刺寒府。寒府在肘膝外解營。取膝上外者使之拜。取足心者使之跪也。

刺水熱穴論

黃帝問曰。少陰何以主腎。腎何以主水。岐伯曰。腎者至陰也。至陰者盛水也。肺者少陰也。少陰者冬脉也。故其本在腎。其末在肺。皆積水也。帝曰。腎何以能聚水而生病。岐伯曰。腎者胃之關也。關門不利。故聚水而從之。六類也。上下溢于皮膚。故為跗腫。跗腫者。聚水而生病也。帝曰。諸水皆生

于腎乎。曰腎者北臟也。地氣上者。屬於腎而生水液也。故曰至陰。而為水。其則腎汗出。腎汗出。逢於風。內不得入于臟腑。外不得越于皮膚。客于玄府。行於皮裏。傳於肘腫。本之于腎。名曰風水。所謂玄府者。汗孔也。帝曰。水俞五十七處者。是何主也。岐伯曰。腎俞五十七穴。積陰之所聚也。水所從出入也。尻上五行。行五者。此腎俞。故水病下為胛腫大。腹上為喘呼。不得臥者。標本俱病。故肺為喘呼。腎為水腫。肺為逆。不得臥。分為相輸俱受者。水氣之所留也。伏兔上各二行。行五者。此腎之街也。三陰之所交結于脚也。踝上各一行。行六者。此腎脉之下行也。名曰太衝。凡五十七

穴者皆臟之陰絡水之所客也。

帝曰。春取絡脉分肉何也。曰。春者木始治。肝氣始生。肝氣急其風疾。經脉常深。其氣少不能深入。故取絡脉分肉間。帝曰。夏取盛經分腠何也。曰。夏者火始治。心氣始長。脉瘦氣弱。陽氣流溢。熱薰分腠。內至于經。故取盛經分腠。絕膚而病去者。邪居淺也。所謂盛經者。陽脉也。帝曰。秋取經俞何也。曰。秋者金始治。肺將收殺。金將勝火。陽氣在合。陰氣初勝。濕氣及體。陰氣未盛。未能深入。故取俞以瀉陰邪。取合以虛陽邪。陽氣始衰。故取于合。帝曰。冬取井榮何也。曰。冬者水始治。腎方閉。陽氣衰少。陰氣堅盛。巨陽伏沈。陽氣

乃去。故取井以下陰逆。取榮以實陽氣。故曰冬取井榮春不孰。此之謂也。

帝曰。夫子言治熱病五十九俞。願聞其處。因問其義。岐伯曰。頭上五行。行五者。以越諸陽之熱逆也。大杼。膺俞。缺盆。背俞。此八者。以瀉胸中之熱也。氣街。三里。巨虛。上下廉。此八者。以瀉胃中之熱也。雲門。髃骨。委中。髓空。此八者。以瀉四肢之熱也。五臟俞。旁五。此十者。以瀉五臟之熱也。凡此五十九穴者。皆熱之左右也。帝曰。人傷于寒而傳為熱。何也。岐伯曰。夫寒盛則生熱也。

調經論

黃帝問曰。有餘不足。余已聞虛實之形。不知其何以生。岐

伯曰。氣血已并。陰陽相傾。氣亂于衛。血逆于經。血氣離居。

一實一虛。血并于陰。氣并于陽。故為驚狂。血并于陽。氣并

于陰。乃為炁中。血并于上。氣并于下。心煩惋。喜怒。血并于

下。氣并于上。亂而喜忘。上下謂帝曰。血并於陰。氣并于陽。

如是。血氣離居。何者為實。何者為虛。岐伯曰。血氣者。喜溫

而惡寒。寒則泣。不能流。溫則消而去之。是故氣之所并為

血虛。血之所并為氣虛。帝曰。人之所有者。血與氣耳。今夫

子乃言血并為虛。氣并為虛。是無實乎。岐伯曰。有者為實。

無者為虛。故氣并則無血。血并則無氣。今血與氣相失。故

為虛焉。絡之與孫脉俱輸于經。血與氣并則為實焉。血之與氣并走于上則為人厥厥則暴死。氣復反則生。不反則死。帝曰。實者何道從來。虛者何道從去。虛實之要。願聞其故。岐伯曰。夫陰與陽皆有俞會。陽注于陰。陰滿之外。陰陽勻平。以充其形。九候若一。命曰平人。夫邪之生也。或生于陰。或生于陽。其生于陽者。得之風雨寒暑。其生于陰者。得之飲食居處。陰陽喜怒。帝曰。風雨之傷人。奈何。曰。風雨之傷人也。先客于皮膚。傳入于孫脉。孫脉滿則傳入于絡脉。絡脉滿則輸于大經脉。血氣與邪并客于分腠之間。其脉堅大。故曰實實者。外堅充滿。不可按之。按之則痛。帝曰。寒

濕之傷人奈何。曰：寒濕之中人也。皮膚不收，肌肉堅緊，榮血涸，衛氣去。故曰：虛。虛者，聶辟氣不足，按之則氣足以溫之。故快然而不痛。帝曰：陰之生實奈何。曰：喜怒不節，則陰氣上逆。上逆則下虛，下虛則陽氣走之。故曰：實矣。帝曰：陰之生虛奈何。曰：喜則氣下，悲則氣消。消則脉虛空。因寒飲食，寒氣熏滿，則血涸氣去。故曰：虛矣。帝曰：經言陽虛則外寒，陰虛則內熱。陽盛則外熱，陰盛則內寒。余已聞之矣，不知其所由然也。岐伯曰：陽受氣于上焦，以溫皮膚分肉之間。今寒氣在外，則上焦不通。上焦不通，則寒氣獨留于外。故寒慄。帝曰：陰虛生內熱奈何。曰：有所勞倦，形氣衰少，穀

氣不盛。上焦不行。下脘不通。胃氣熱。熱氣熏胸中。故內熱。
帝曰。陽盛生外熱。奈何。曰。上焦不通利。則皮膚緻密。腠理
閉塞。玄府不通。衛氣不得泄越。故外熱。帝曰。陰盛生內寒。
奈何。曰。厥氣上逆。寒氣積于胸中。而不瀉。不瀉則溫氣去。
寒獨留。則血凝泣。凝則脉不通。其脉盛大以濇。故中寒。帝
曰。陰與陽并。血氣以并。病形以成。刺之奈何。曰。刺此者。取
之經隧。取血于榮。取氣于衛。用形哉。因四時多少。高下。帝
曰。夫子言虛實者有十。生于五臟五腑五脉耳。夫十二經
脉皆生其病。今夫子獨言五臟。夫十二經脉者。皆絡三百
六十五節。節有病。必被經脉。經脉之病。皆有虛實。何以合

之岐伯曰。五臟者。故得六腑。與為表裏。經絡支節。各生虛實。其病所居。隨而調之。病在脉。調之血。病在血。調之絡。病在氣。調之衛。病在肉。調之分肉。病在筋。調之筋。燔針劫刺其下。及與急者。病在骨。調之骨。焮針藥熨。病不知所痛。兩蹻為上。身形有痛。九候莫病。則繆刺之。痛在於左而右脉病者。巨刺之。必謹察其九候。針道備矣。

繆刺論

黃帝問曰。余聞繆刺。未得其義。何謂繆刺。岐伯對曰。夫邪客于皮毛。入舍于孫絡。留而不去。閉塞不通。不得入于經。流溢于大絡。而生奇病也。

大絡十五絡也

夫邪客大絡者。左注右。

右注左上下左右與經相干而布于四末其氣無常處不

入于經俞命曰繆刺四末謂四肢也帝曰願聞繆刺以左取右以

右取左奈何其與巨刺何以別之曰邪客于經左盛則右

病右盛則左病亦有移易者謂病易移左痛未已而右脉先

病如此者必巨刺之必中其經非絡脉也故絡病者其痛

與經脉繆處故命曰繆刺帝曰願聞繆刺奈何取之何如

對曰邪客于足少陰之絡令人卒心痛暴脹胸脇支滿無

積者刺然骨之前出血如食頃而已不已左取右右取左

病新發者取五日已邪客于手少陽之絡令人喉痺舌卷

口乾心煩臂外廉痛手不及頭刺手小指次指爪甲上去

端如韭葉各一痛關冲穴壯者立已老者有頃已左取右

右取左此新病數日已邪客于足厥陰之絡令人卒疝暴

痛刺足大指爪甲上與肉交者各一痛大敦穴兩脚俱有男

子立已女子有頃已左取右右取左邪客于足太陽之絡

令人頭項肩痛刺足小指爪甲上與肉交者各一痛立已

至陰穴不已刺外踝下三痛左取右右取左如食頃已

門邪客于手陽明之絡令人氣滿胸中喘息而支肘胸中

熱刺手大指次指爪甲上其端如韭葉各一痛左取右右

取左如食頃已商陽穴邪客于臂掌之間不可得屈刺

其踝後人手足本節先以指按之痛乃刺之以月死生為數月

生一日一痛。二日二痛。十五日十五痛。十六日十四痛。期

已前為生。月邪客于足陽齋之脉。令人目痛。從內眥始刺。

外踝之下半寸所。各二痛。左刺右。右刺左。如行十里頃而

已。人有所墮墜。惡血留內。腹中滿脹。不得前後。先飲利藥。

此上傷厥陰之脉。下傷少陰之絡。刺足內踝之下。然骨之

前。血脉出血。刺足跗上動脉。陽不巳。刺三毛上各一痛。見

血立已。左刺右。右刺左。三毛大善。其驚不樂。刺如右方。邪

客于手陽明之絡。令人耳聾。時不聞音。刺手大指次指爪

甲上去端如韭葉各一痛。立聞。商不巳。刺中指爪甲上與

肉交者。立聞。中其不時聞者。不可刺也。耳中生

故不刺。耳中生

風者亦刺之如此數。左刺右。右刺左。凡痺往來行無常處者。在分肉間痛而刺之。以月死生為數。用針者。隨氣盛衰。以為痛數。針過其日數。則脫氣。不及日數。則氣不瀉。左刺右。右刺左。病已止。不已。復刺之如法。月生一日一痛。二日二痛。漸多之。十五日十五痛。十六日十四痛。漸少之。邪客于足陽明之絡。令人鼻衄。上齒寒。刺足大指次指爪甲上與肉交者。各一痛。左刺右。右刺左。凡邪客于足少陽之絡。令人脇痛。不得息。欬而汗出。刺足小指次指爪甲上與肉交者。各一痛。陰不得息立已。汗出立止。欬者溫衣飲食。一日已。左刺右。右刺左。病立已。不已。復刺如法。邪客于足少

陰之絡。令人噎痛。不可肉食。無故善怒。氣上走貴上。貴謂

也。一云貴兩也。謂氣上走兩上。刺足下中央之脉。湧泉各三痛。凡六刺立已。

左刺右。右刺左。噎中腫不能內唾。時不能出唾者。刺然骨

之前出血立已。左刺右。右刺左。邪客于足太陰之絡。令人

腰痛。引少腹控眇。不可以仰息。刺腰尻之解。兩胛之上。是

腰俞。以月死生為痛數。發針立已。左刺右。右刺左。俞無左

右。當是下影穴。邪客于足太陽之絡。令人拘攣背急。引脇痛。刺之

從項始。數脊椎俠脊。疾按之。應手如痛。刺之。傍三痛立已。

邪客于足少陽之絡。令人留于樞中。痛髀不可舉。刺樞中

以毫針。寒則久留針。以月死生為數立已。治諸經刺之

所過者不病則繆刺之耳聾刺手陽明不已刺其通脉出

耳前者會齒刺手陽明不已刺其脉入齒中者立已交斷

邪客于五臟之間其病也脉引而痛時來時止視其病繆

刺之于手足爪甲上各刺其井左取右右取左視其脉出其血間日一

刺一刺不已五刺已繆傳引上齒齒唇寒痛視其手背脉

血者去之是陽明中指爪甲上一痛厲手大指次指爪甲

上各一痛陽立已左取右右取左邪客于手足少陰太陰

足陽明之絡此五絡皆會于耳中上絡左額角五絡俱竭

令人身脉皆動而形無知也其狀若尸或曰尸厥刺足太

指內側爪甲上去端如韭葉後刺足心後刺足中指

爪甲上各一痛。凡屬後刺少商少冲神門不已。以竹管吹其
兩耳。翳其左角之髮。方一寸。燔治。飲以美酒一杯。立已。凡
刺之數。先視其經脉。切而從之。審其虛實而調之。不調者
經刺之。有痛而經不病者。繆刺之。因視其皮部有血絡者。
盡取之。此繆刺之數也。

經刺論

岐伯曰。夫邪之客于形也。必先舍于皮毛。留而不去。入于
孫脉。留而不去。入于絡脉。留而不去。入于經脉。內連五臟。
散于腸胃。陰陽俱盛。五臟乃傷。此邪之從皮毛而入。極于
五臟之次也。如此則治其經焉。○凡刺之數。先視其經脉。

切而從之。審其虛實而調之。不調者經刺之。○不盛不虛以經取之。

巨刺論。巨刺刺經脉。繆刺刺絡脉。所以別也。

岐伯曰。痛在于左而右脉病者。則巨刺之。○邪客于經。左盛則右病。右盛則左病。亦有移易者。左痛未已而右脉先病。如此者。必巨刺之。必中其經。非絡脉也。

手足陰陽流注論

岐伯曰。凡人兩手足各有三陰脉。三陽脉。以合為十二經也。手之三陰。從胸走至手。手之三陽。從手走至頭。足之三陽。從頭下走至足。足之三陰。從足上走入腹。絡脉傳注用。

流不息。故經脉者。行血氣。通陰陽。以榮于身者也。其始從中焦。注手太陰陽明。陽明注口。太陽陽明太陰。太陰注手少陰。太陽。太陽注足太陽少陰。少陰注手心主少陽。少陽注足少陽厥陰。厥陰復還注手太陰。其氣常以平旦為紀。以漏水下百刻。晝夜流行。與天同度。終而復始也。

絡脉者。本經之旁支而別出。以聯絡于十二經者也。本經之脉。由絡脉而交他經。他經之交。亦由是焉。傳注周流。無有停息也。夫十二經之有絡脉。猶江漢之有沱潛也。絡脉之傳注于他經。猶沱潛之旁導於他水也。是以手太陰之支者。從腕後出。次指端。而交于手陽明。手陽

明之支者。從缺盆上俠口鼻。而交于足陽明。足陽明之支者。別跗上。出大指端。而交于足太陰。足太陰之支者。從胃別上脘。注心中。而交于手少陰。手少陰則直自本經少衝穴。而交于手太陽。不假支授。蓋君者出令者也。手太陽之支者。別頰上至目內眦。而交于足太陽。足太陽之支者。從臍內左右別下合膈中。下至小指外側端。而交于足少陰。足少陰之支者。從肺出注胸中。而交于手厥陰。手厥陰之支者。從掌中循小指次指出其端。而交于手少陽。手少陽之支者。從耳後出至目銳眦。而交于足少陽。足少陽之支者。從跗上入大指爪甲出三毛。

而交于足厥陰。足厥陰之支者從肝別貫膈上注肺而交于手太陰也。自寅時起一晝夜人之榮衛則以五十度周于身。氣行一萬三千五百息。脉行八百一十丈。運行血氣流通陰陽晝夜流行與天同度終而復始也。

衛氣行論

黃帝問曰：衛氣之在于身也，上下往來，不以期候氣而刺之，奈何？伯高曰：分有多少，日有長短。春秋冬夏各有分理，然後常以平旦為紀，以夜盡為始。是故一日一夜水下百刻二十五刻者，半日之度也。常如是，毋已。日入而止，隨日之長短，各以為紀，而刺之，謹候其時，病可與期。失時反候。

者百病不治。故曰刺實者刺其來也。刺虛者刺其去也。此言氣存亡之時。以候虛實。是故謹候氣之所在而刺之。是謂逢時。病在于三陽。必候其氣在于陽而刺之。病在于三陰。必候其氣在陰分而刺之。水下一刻。人氣在太陽。水下二刻。氣在少陽。水下三刻。氣在陽明。水下四刻。氣在陰分。水下五刻。氣在太陽。水下六刻。氣在少陽。水下七刻。氣在陽明。水下八刻。氣在陰分。水下九刻。氣在太陽。水下十刻。氣在少陽。水下十一刻。氣在陽明。水下十二刻。氣在陰分。水下十三刻。氣在太陽。水下十四刻。氣在少陽。水下十五刻。氣在陽明。水下十六刻。氣在陰分。水下十七刻。氣在太陽。

陽水下十八刻。氣在少陽。水下十九刻。氣在陽明。水下二十刻。氣在陰分。水下二十一刻。氣在太陽。水下二十二刻。氣在少陽。水下二十三刻。氣在陽明。水下二十四刻。氣在陰分。水下二十五刻。氣在太陽。此半日之度也。從房至畢一十四舍。水下五十一刻。日行半度。廻行一舍。水下三刻。與七分刻之四。大要曰。常以日之加于宿上也。人氣在太陽。是故日行一舍。人氣行三陽。行與陰分。常如是無已。天與地同紀。紛紛紛紛。終而復始。一日一夜。水下百刻而盡矣。

診要經絡論

黃帝問曰。診要何如。岐伯對曰。正月二月。天氣始方。地氣

始發。人氣在肝。三月四月。天氣正方。地氣定發。人氣在脾。五月六月。天氣盛。地氣高。人氣在頭。七月八月。陰氣始殺。人氣在肺。九月十月。陰氣始冰。地氣始閉。人氣在心。十一月十二月。冰復。地氣合。人氣在腎。故春刺散俞。及與分理。血出而止。甚者傳氣間者環也。夏刺絡俞。見血而止。盡氣閉。環痛病必下。秋刺皮膚。循理上下同法。神變而止。冬刺俞竅于分理。甚者直下。間者散下。春夏秋冬。各有所刺。法其所在。春刺夏分。令人不食。少氣。春刺秋分。令人時驚。且哭。春刺冬分。令人脹病不愈。且欲言語。夏刺春分。令人憊情。夏刺秋分。令人心欲無言。惕惕如人將捕之。夏刺冬

分。令人少氣。時欲怒。秋刺春分。令人惕然。欲有所為。起而忘之。秋刺夏分。令人嗜臥。且善夢。秋刺冬分。令人洒洒。時寒。冬刺春分。令人臥不能眠。冬刺夏分。令人氣上。發為諸痺。冬刺秋分。令人善渴。

刺禁論

黃帝問曰。願聞禁數。岐伯曰。臟有要害。不可不察。肝生于左。肺藏于右。心部于表。腎治于裏。脾謂之使。胃為之市。鬲育之上。中有父母。七節之旁。中有小心。神。謂腎。從之有福。逆之有咎。刺中心。一日死。其動為噫。刺中肝。五日死。其動為語。一作欠。刺中腎。六日死。其動為噦。一作三日。刺中肺。三日死。其

動為欬刺中脾十日死其動為吞刺中胆一日半死其動
為嘔刺足跗上中脉血出不止死刺面中溜脉不幸為盲
刺頭中腦戶入腦立死刺舌下中脉太過血出不止為瘡
刺足下布絡中脉血不出為腫刺郄中大脉令人仆脫色
刺氣街中脉血不出為腫鼠僕刺脊間中髓為偃刺乳上
中乳房為腫根蝕刺缺盆中內陷氣泄令人喘欬逆刺手
魚腹內陷為腫刺陰股中大脉血出不止死刺客主人內
陷中脉為內漏耳聾刺膝臑出液為跛刺臂太陰脉出血
多立死刺足少陰脉重虛出血為舌難以言刺膺中陷中
肺為喘逆仰息刺肘中內陷氣歸之為不屈伸刺陰股下

三寸內陷。令人遺溺。刺腋下脇間內陷。令人欬。刺少腹中
膀胱溺出。令人少腹滿。刺脇腸內陷為腫。刺眶上陷骨中
脉為漏為盲。刺關節中液出不得屈伸。無刺大醉。令人氣
亂。一作脉亂無刺大怒。令人氣逆。無刺大勞人。無刺新飽人。無
刺大饑人。無刺大渴人。無刺大驚人。新內無刺。已刺勿內。
已醉勿刺。已刺勿醉。新怒勿刺。已刺勿怒。新勞勿刺。已刺
勿勞。已飽勿刺。已刺勿飽。已饑勿刺。已刺勿饑。已渴勿刺。
已刺勿渴。乘車來者。臥而休之。如食頃。乃刺之。出行來者。
坐而休之。如行十里。乃刺之。大驚大恐。必定其氣。乃刺之。

五奪不可瀉

岐伯曰。形容已脫。是一奪也。大脫血之後。是二奪也。大汗之後。是三奪也。大泄之後。是四奪也。新產大血之後。是五奪也。此皆不可瀉。

四季不可刺

岐伯曰。正月二月三月。人氣在左。無刺左足之陽。四月五月六月。人氣在右。無刺右足之陽。七月八月九月。人氣在右。無刺右足之陰。十月十一月十二月。人氣在左。無刺左足之陰。

死期不可刺

岐伯曰。病先發于心。心主痛。一日而之肺。加欬。三日而之

肝加脇支痛五日而之脾加閉塞不通身痛體重三日不
已死冬夜半夏日中

病先發于肺喘欬三日而之肝脇支滿痛一日而之脾身
重體痛五日而之胃脹十日不已死冬日入夏日出

病先發于肝頭目眩脇支滿三日而之脾體重身痛五日
而之胃脹三日而之腎腰脊少腹痛脛痠三日不已死冬
日入夏早食

病先發于脾身痛體重一日而之胃脹二日而之腎少腹
腰脊痛脛痠三日而之膀胱背躬筋痛小便閉十日不已
死冬人定夏晏食

病先發于腎。少腹腰脊痛。肝痿三日而之膀胱。背躬筋痛。小便閉三日而之。心。心脹三日而之。小腸。兩脇支痛三日不已死。冬大夜夏晏晡。

病先發于胃。脹滿五日而之。腎。少腹腰脊痛。肝痿三日而之。膀胱。背躬筋痛。小便閉五日而之。脾。身體重六日不已死。冬夜半。夏日晡。

病先發于膀胱。小便閉五日而之。腎。少腹腰脊痛。肝痿一日而之。小腸。肚脹一日而之。脾。身體重三日不已死。冬雞鳴。夏下晡。

諸病以次相傳。如是者。皆有死期。不可刺也。間有一臟

及二三臟者。乃可刺也。

刺法論

黃帝問曰。人虛即神遊失守位。使鬼神外干。是致夭亡。何

以全真。願聞刺法。岐伯曰。神移失守。雖在其體。然不致死。

或有邪干。故令夭壽。只如厥陰失守。天已虛。人氣肝虛。感

天重虛。即魂遊于上。肝虛。天虛。又遇出汗。是謂三虛。神遊

令人邪干厥陰。大氣身溫。猶可刺之。目有神彩。心腹尚溫。

刺足少陽之所過。丘墟穴。針三分。○呪曰。太上元君。鬱鬱青龍。常

居其左。制之三魂。誦三遍。次呼三魂名。爽靈。胎光。幽精。誦

三遍。次想青龍於穴下。刺之。可徐徐出針。親令人按氣于

口中。腹中鳴者。可活。○次刺肝之俞。九椎下。兩旁。○呪曰。太微

帝君。元英制魂。貞元及本。令入青雲。又呼三魂名。如前三

遍。針三分。留三呼。火進一分。留三呼。復退針二分。留一呼。徐徐出針。氣及後活。○人病心虛。又遇

君相二火司天失守。感而三虛。遇火不及。黑尸鬼犯之。令

人暴亡。舌卯不離。目神不變。可刺手少陽之所過。陽池。○呪曰。太乙帝

君。泥丸總神。丹無黑氣。來復其真。誦三遍。想赤鳳于穴下。

刺三分。留一呼。次進一分。留三呼。復退留一呼。徐徐出針。穴即令復活。○復刺心俞。五椎兩旁。○呪

曰。丹房守靈。五帝上清。陽和布體。來復黃庭。誦三遍。刺法同前。

○人脾病。又遇太陰司天失守。感而三虛。智慧二神。遊于上位。故曰失守。

又遇土不及。青尸鬼犯之。令人暴亡。可刺足陽明之所過。沖陽。

呪曰。常在魂庭。始清太寧。元和布氣。六甲及真。誦三遍。先

想黃庭于穴下。刺三。留三。次進二。留一。復刺脚脗。十一椎。下兩旁。

○呪曰。大始乾位。總統坤元。黃庭直氣。來復遊全。誦三遍。

刺三。留三。進五。動氣至。作出針。○人肺病。遇陽明司天失守。感而三虛。又

遇金不及。有赤尸鬼干人。令人暴亡。可刺手陽明之所過。

合○呪曰。青氣真人。帝符日元。七魄歸右。今復本田。誦三

遍。想白虎于穴下。刺三。留三。次進二。留一。復刺肺脗。三椎下。

○呪曰。左元真人。六合氣賓。天符帝力。來入其門。誦三遍。

針一分半。留三。呼次進二分。留一。呼。餘出手。○人腎病。又遇太陽司天失守。感

而三虛。又遇水運不及之年。有黃尸鬼干人。正氣吸人神

魂致暴亡。可刺足太陽之所過。骨○呪曰。元陽育嬰。五老

及真。泥丸玄華。補精長存。想氣十穴下。刺一分半。留三

針。呼。徐出。復刺腎俞。十四椎。下兩旁。○呪曰。天玄日晶。太和昆靈。貞

元內守。持入始清。誦三遍。留三分。留三呼。徐出針。穴。

五刺應五臟論

岐伯曰。凡刺有五。以應五臟。一曰半刺者。淺內而疾發。無

針肉。如拔毛狀。以取皮氣。以應肺也。二曰豹文刺者。左右

前後針之。中脉以取經絡之血。以應心也。三曰關刺者。直

刺左右盡筋上。以取筋痺。慎無出血。以應肝也。四曰合谷

刺者。左右難足。針于分肉之間。以取肌痺。以應脾也。五曰

輸刺者直入直出深內至骨以取骨痺以應腎也。

九刺應九變論

岐伯曰凡刺有九以應九變。一曰輸刺者諸經榮刺臟俞也。二曰遠道刺者病在上取之下刺腑俞也。三曰經刺者刺大經之結絡經分也。四曰絡刺者刺小絡血脈也。五曰分刺者刺分肉間也。六曰大瀉刺者刺大膿也。七曰毛刺者刺浮皮毛也。八曰巨刺者左取右右取左也。九曰燔刺者燔針以取痺也。

十二刺應十二經論

岐伯曰凡刺有十二以應十二經。一曰偶刺者以手直心

若背直痛所一刺前一次後以治心痺。刺宜二曰報刺者。

刺痛無常處上下行者直內無拔針以手隨病所按之乃

出針復刺也。三曰恢刺者直刺傍舉之前後恢筋急以治

筋痺。四曰齊刺者直入一旁入二以治寒氣少深者。五曰

揚刺者正內一旁內四而浮之以治寒氣博大者。六曰直

針刺者引皮乃刺之以治寒氣之淺者。七曰輸刺者直入

直出稀發針而深之以治氣盛而熱者。八曰短刺者刺骨

痺稍搖而深之置針骨所以上下摩骨也。九曰浮刺者旁

入而浮之以治肌急而寒者。十曰陰刺者左右率刺之以

治寒厥中寒厥足踝後少陰也。十一曰傍針刺者宜傍刺

各一。以治留痺久居者。十二曰。贊刺者。直入直出。數發針。而淺之。出血。是謂治癰腫也。

手足陰陽經脉刺論

岐伯曰。足陽明。五臟六腑之海也。其脉大血多。氣盛壯熱。刺此者。不深弗散。不留弗瀉也。足陽明刺深六分。留十呼。足太陽深五分。留七呼。足少陽深四分。留五呼。足少陰深三分。留四呼。足太陰深二分。留三呼。足厥陰深一分。留二呼。手之陰陽。其受氣之道近。其氣之來疾。其刺深者。皆無過二分。其留皆無過一呼。刺而過此者。則脫氣。

標本論

岐伯曰。先病而後逆者。治其本。先逆而後病者。治其本。先寒而後生病者。治其本。先病而後生寒者。治其本。先熱而後生病者。治其本。先泄而後生他病者。治其本。必且調之。乃治其他病。先病而後中滿者。治其標。先病而後泄者。治其本。先中滿而後煩心者。治其本。有客氣。有同氣。大小便不利。治其標。大小便利。治其本。病發而有餘。本而標之。先治其本。後治其標。病發而不足。標而本之。先治其標。後治其本。謹詳察開甚。以意調之。間者併行。甚為獨行。先大小便不利。而後生他病者。治其本也。

刺王公布衣

岐伯曰。膏粱養穀之味。何可同也。氣滑則出疾。氣澹則出遲。氣悍則針小而入淺。氣澹則針大而入深深。則欲留淺則欲疾。以此觀之。刺布衣者深而留之。刺大人者微以徐之。此皆因其慄悍滑利也。○寒痺內熱。刺布衣以火焮之。刺大人以藥熨之。

刺常人黑白肥瘦

岐伯曰。年質壯大。血氣充盈。膚革堅固。因加以邪。刺此者深而留之。此肥人也。廣肩腋項肉厚。皮黑色。唇臨臨然。其血黑以濁。其氣澹以遲。其為人。也貪於取。與刺此者。深而留之多。益其數也。瘦人皮薄。色白。肉廉廉然。薄唇輕言。其

血氣清。易脫于氣。易損于血。刺此者。淺而疾之。○刺肥人者。以秋冬之齊。刺瘦人者。以春夏之齊。

刺壯士

岐伯曰。壯士。骨堅肉緩。節此人重。則氣瀦。血滿。刺此者。深而留之多。益其數。勁則氣滑。血清。刺此者。淺而疾之。

刺嬰兒

岐伯曰。嬰兒者。其肉脆。血少。氣弱。刺此者。以毫針。淺刺而疾發針。日再刺可也。

人身左右上下虛實不同刺

岐伯曰。天不足西北。故西北方陰也。而人右耳目。不如左。

明也。地不滿東南。故畝。南方陽也。而人左手足不如右強也。東方陽也。陽者其氣并於上。并於上則上明而下虛。故使耳目聰明而手足不便也。西方陰也。陰者其氣并於下。并於下則下盛而上虛。故使耳目不聰明而手足便也。故俱感於邪。其在上則右甚。在下則左甚。此天地陰陽所不能移也。故邪居之。蓋天有精。地有形。天有八紀。地有五埋。故能為萬物之父母。清陽上天。濁陰歸地。是故天地之動靜。神明之綱紀。故能以生長收藏終而復始。惟賢人上配天以養頭。下象地以養足。中傍人事以養五臟。天氣通於肺。地氣通於嗑。風氣通於肝。雷氣通於心。谷氣通於脾。兩

氣通於腎。六經為川。腸胃為海。九竅為水。注之器。以天地為之陰陽。陽之汗。以天地之雨。名之陽之氣。以天地之疾風。名之暴風。象雷。逆風。象陽。故治不法天之紀。不用地之理。則災害至矣。故邪風之至。疾如風雨。故善治者。治皮毛。其次治肌膚。其次治筋脉。其次治六腑。其次治五臟。治五臟者。半死半生也。故天之邪氣。感則害人五臟。水穀之寒熱。感則害人六腑。地之濕氣。感則害人皮膚筋脉。故善用鍼者。從陰引陽。從陽引陰。以右治左。以左治右。以我知彼。以表知裏。以觀過與不及之理。見微則用之。不死。

難經

一難曰。十二經皆有動脉。獨取寸口。以決五臟六腑死生吉凶之法。何謂也。

十二經皆有動脉者。如手太陰脉動中府。雲門。天府。俠白。手陽明脉動合谷。陽谿。手少陰脉動極泉。手太陽脉動天窓。手厥陰脉動勞宮。手少陽脉動禾膠。足太陰脉動箕門。衝門。足陽明脉動衝陽。大迎。人迎。氣衝。足少陰脉動太谿。陰谷。足太陽脉動委中。足厥陰脉動太冲。五里。陰廉。足少陽脉動下關。聽會之類也。謂之經者。以榮衛之流行。經常不息者而言。謂之脉者。以血理之分表。

行體者而言也。故經者徑也。脉者陌也。越人之意。蓋謂凡此十二經經皆有動脉。如上文所云者。今置不取。乃獨取寸口。以決臟腑死生吉凶。何耶。

然寸口者。脉之大會。手太陰之脉動也。然者答詞。餘做此。

寸口謂氣口也。居手太陰魚際却行一寸之分。氣口之下。曰關。曰尺云者。而榮衛之行于陽者。二十五度行于陰者。亦二十五度。出入陰陽。參交互注。無少間斷。五十度畢。適當漏下百刻。為一晬時。又明日之平旦矣。還復會于手太陰。此寸口所以為五臟六腑之所終始。而法有取于是焉。人一息。一息為一息。每刻一百三十五息。

每時八刻計一千八百息。十二時九十六刻計一萬二千九百六十息。刻之餘分得五百四十息。合一萬三千五百息也。一息脉行六寸。每二刻二百七十息。脉行一十六丈二尺。每時八刻脉行六十四丈八尺。榮衛四周于身。十二時計九十六刻。脉行七百七十七丈六尺。為四十八周身。刻之餘分行二周身。得三十二丈四尺。總之為五十度周身。脉得八百一十丈也。此呼吸之息。脉行之數。周身之度。合晝夜百刻之詳也。行陽行陰。謂行晝行夜。

七難曰。經言少陽之至。乍大乍小。乍短乍長。陽明之至。浮

大而短。太陽之至。洪大而長。太陰之至。緊大而長。少陰之至。緊細而微。厥陰之至。沉短而數。此六者。是平脉邪。將病脉邪。然皆王脉也。

六脉者之王說見下文。

其氣以何月。各王幾日。然冬至之後。得甲子。少陽王。復得甲子。陽明王。復得甲子。太陽王。復得甲子。太陰王。復得甲子。少陰王。復得甲子。厥陰王。王各六十日。六六三百六十日。以成一歲。此三陽三陰之王時。日大要也。

上文言三陽三陰之王脉。此言三陽三陰之王時。當其時。則見其脉也。

劉溫舒曰。至真要論云。厥陰之至。其脉弦。少陰之至。其脉鈞。太陰之至。其脉沉。少陽之至。大而浮。陽明之至。短而濇。太陽之至。大而長。亦隨天地之氣。卷舒也。如春弦。夏洪。秋毛。冬石之類。則五運六氣四時亦皆應之。而見于脉耳。若平人氣象論。太陽脉至洪大而長。少陽脉至乍數乍疎。乍短乍長。陽明脉至浮大而短。難經引之以論三陰三陽之脉者。以陰陽始生之淺深而言之也。十二難曰。經言五臟脉已絕于內。用針者反實其外。五臟脉已絕於外。用針者反實其內。內外之絕。何以別之。然五臟脉已絕于內者。腎肝氣已絕于內也。而醫反補其心肺。

五臟脉已絕于外者。其心肺脉已絕于外也。而醫反補其腎肝。陽絕補陰。陰絕補陽。是謂實實虛虛。損不足而益有餘。如此死者。醫殺之耳。

靈樞云。反將用針。必先診脉。視氣之劇易。乃可以治也。又云。所謂五臟之氣已絕于內者。脉口氣內絕不至。反取其外之病處。與陽經之合。有留針以致陽氣。陽氣至則內重竭重竭則死。其死也無氣以動。故靜。所謂五臟之氣已絕於外者。脉口氣外絕不至。反取其四末之輸。有留針以致其陰氣。陰氣至則陽氣反入。入則逆逆則死。失其死也。陰氣有餘故躁。此靈樞以脉口內外言陰

陽也。越人以心肺腎肝內外別陰陽。其理亦由是也。

二十二難曰。經言脉有是動。有所生病。一脉變為二病者。何也。然。經言是動者。氣也。所生病者。血也。邪在氣。氣為是動。邪在血。血為所生病。氣主响之。血主濡之。氣留而不行者。為氣先病也。血壅而不濡者。為血後病也。故先為是動。後所生也。

三十五難曰。五臟各有所。腑皆相近。而心肺獨去大腸小腸遠者。何也。然。經言心榮肺衛。通行陽氣。故居在上。大腸小腸傳陰氣而下。故居在下。所以相去而遠也。

四十難曰。經言肝主色。心主臭。脾主味。肺主聲。腎主液。鼻

者肺之候而反知香臭耳者腎之候而反聞聲其義何也然肺者西方金也金生于巳巳者南方火火者心心主臭故令鼻知香臭腎者北方水也水生于申申者西方金金者肺肺主聲故令耳聞聲

四明陳氏曰臭者心所主鼻者肺之竅心之脉上肺故令鼻能知香臭也聲者肺所主耳者腎之竅腎之脉上肺故令耳能聞聲也愚按越人此說蓋以五行相生之義而言且見其相因而為用也

四十三難曰人不食臥七日而死者何也然人胃中當有留穀二斗水一斗五升故平人日再至圓一行二升半日

中五升。七日五七三斗五升而水穀盡矣。故平人不食飲七日而死者。水穀津液俱盡即死矣。

水去則榮散。穀消則衛亡。榮散衛亡。神無所依。故死。

四十六難曰。老人臥而不寐。少壯寐而不寤者。何也。然經言少壯者。血氣盛。肌肉滑。氣道通。榮衛之行。不失於常。故晝日精。夜不寤也。老人血氣衰。肌肉不滑。榮衛之道滯。故晝日不能精。夜不得寐也。

老臥不寐。少寐不寤。係乎榮衛血氣之有餘不足也。

四十七難曰。人面獨能耐寒者。何也。然人頭者。諸陽之會也。諸陰脉皆至頸胸中。而還。獨諸陽脉皆上至頭耳。故令

面耐寒也。

四十九難曰。有正經自病。有五邪所傷。何以別之。然。憂愁思慮則傷心。形寒飲冷則傷肺。恚怒氣逆上而不下。則傷肝。飲食勞倦則傷脾。又坐濕地。強力入水。則傷腎。是正經之自病也。

何謂五邪。然有中風有傷寒。有飲食勞倦。有傷寒有中濕。此之謂五邪。

謝氏曰。飲食勞倦。自是二事。飲食得者。饑飽失時。此外邪傷也。勞倦得者。勞形力而致倦怠。此正經自病也。

假令心病。何以知中風得之。然其色當赤。何以言之。肝主

色。自入為青。入心為赤。入脾為黃。入肺為白。入腎為黑。故知肝邪入心。當赤色。其病身熱。脇下滿痛。其脉浮大而弦。何以知傷暑得之。然當惡臭。何以言之。心主臭。自入為焦臭。入脾為香臭。入肝為臊臭。入腎為腐臭。入肺為腥臭。故知心病當惡臭。其病身熱而煩。心滿。其脉浮大而散。

何以知飲食勞倦得之。然當喜苦味也。虛為不欲食。實為飲食。何以言之。脾主味。入肝為酸。入心為苦。入肺為辛。入腎為鹹。自入為甘。故知脾邪入心。為喜苦味也。其病身熱而體重嗜臥。四肢不收。其脉浮大而緩。

何以知傷寒得之。然當譫言妄語。何以言之。肺主聲。入肝

為呼。入心為言。入脾為歌。入腎為呻。自入為哭。故知肺邪入心。為謔言妄語也。其病身熱洒洒惡寒甚。則喘欬。其脉浮大而瀉。

何以知中濕得之然。當喜汗出不可止。何以言之。腎主液。入肝為泣。入心為汗。入脾為涎。入肺為涕。自入為唾。故知腎邪入心。為汗出不可止也。其病身熱而少腹痛。足脛寒而逆。其脉沉濡而大。此五邪之法也。

此篇越人蓋言陰陽臟腑經絡之偏虛偏實者也。由偏實也。故內邪得而生。由偏虛也。故外邪得而入。

五十難曰。病有虛邪。有實邪。有微邪。有賊邪。有正邪。何以

別之。然從後來者為虛邪。從前來者為實邪。從所不勝來者為微邪。從所勝來者為賊邪。自病者為正邪。

五邪舉心為例圖。



五行之道。生我者休。其氣虛也。居吾之後而來為邪。故曰虛邪。我生者相。氣方實也。居吾之前而來為邪。故曰實邪。正邪則本經自病者也。

何以言之。假令心病。中風得之為虛邪。傷暑得之為正邪。飲食勞倦得之為實邪。傷寒得之為微邪。中濕得之為賊邪。

五十一難曰。病有欲得溫者。有欲得寒者。有欲得見人者。有不欲得見人者。而各不同。病在何臟腑也。然病欲得寒而欲見人者。病在腑也。病欲得溫而不欲見人者。病在臟也。何以言之。腑者陽也。陽病欲得寒。又欲見人。臟者陰也。陰病欲得溫。又欲閉戶獨處。惡聞人聲。故以別知臟腑之病也。

五十二難曰。腑臟發病。根本等。不然。不等也。何然。臟病者。

止而不移。其病不離其處。腑病者。彷彿貫嚮。上下行流。居處無常。故以此知臟腑根本不同也。

五十五難曰。病有積有聚。何以別之。然。積者。陰氣也。聚者。陽氣也。故陰沉而伏。陽浮而動。氣之所積。名曰積。氣之所聚。名曰聚。故積者。五臟所生。聚者。六腑所成也。積者。陰氣也。其始發有常處。其痛不離其部。上下有所終始。左右有所窮處。聚者。陽氣也。其始發無根本。上下無所留止。其痛無常處。謂之聚。故以是別知積聚也。

五十六難曰。五臟之積。各有名乎。以何月何日得之。然。肝之積。名曰肥氣。在左脇下。如覆杯。有頭足。久不愈。令人

發咳逆瘡癰連歲不已。以季夏戊巳日得之。何以言之。肺病傳于肝。肝當傳脾。脾季夏適主。主不受邪。肝復欲還肺。肺不肯受。故留結為積。故知肥氣。以季夏戊巳日得之。心之積名曰伏梁。伏而不動。如果木然。起臍上大如臂。上至心下。久不愈。令人病煩心。以秋庚辛日得之。何以言之。腎病傳心。心當傳肺。肺以秋適主。主不受邪。心欲復還腎。腎不肯受。故留結為積。故知伏梁。以秋庚辛日得之。

脾之積名曰痞氣。痞氣在胃脘。覆大如盤。久不愈。令人四肢不收。發黃疸。飲食不為肌膚。以冬壬癸日得之。何以言之。肝病傳脾。脾當傳腎。腎以冬適主。主不受邪。脾復欲還

肝肝不肯以故留結為積故知痞氣以冬壬辰日得之。

肺之積名曰息賁或息或賁在右脇下覆大如梧久不已令人

洒淅寒熱而欬發肺癰以春甲乙日得之何以言之心病

傳肺肺當傳肝肝以春適王王不受邪肺復欲還心心不

肯受故留結為積故知息賁以春甲乙日得之。

腎之積名曰貫豚若豚之貫不常定發於少腹上至心下也。勝性噪故名之。

若豚狀或上或下無時久不已令人喘逆骨痠少氣以夏

丙丁日得之何以言之脾病傳腎腎當傳心心以夏適王

王不受邪脾復欲還脾脾不肯受故留結為積故知貫豚

以夏丙丁日得之此五積之要法也。

五十九難曰。狂癲之病。何以別之。然狂疾之始發。少臥而不飢。自高賢也。自辨智也。自倨貴也。妄笑好歌樂。妄行不休。是也。癲疾始發。意不樂。僵仆直視。其脉三部陰陽俱盛。是也。

六十難曰。頭心之病。有厥痛。有真痛。何謂也。然手三陽之脉。受風寒。伏留而不去者。則名厥頭痛。入連在腦者。名真頭痛。其五臟氣邪相干。名厥心痛。其痛甚。但在心手足青者。即名真心痛。其真頭痛者。旦發夕死。夕發旦死。六十一難曰。經言望而知之謂之神。聞而知之謂之聖。問而知之謂之工。切脉而知之謂之巧。何謂也。

然望而知之者望見其五色以知其病

素問五臟生成篇云色見青如草滋黃如枳實黑如漆
赤如衃血白如枯骨者皆死青如翠羽赤如雞冠黃如
蟹腹白如豕膏黑如烏羽者皆生靈樞云青黑為痛黃
赤為熱白為寒又云赤色出于溪大如梲指者病雖
小愈必卒死黑色出于庭大如梲指心不病而卒又
云診血脉者多赤多熱多青多痛多黑為久痺多黑多
赤多青皆見青為寒熱身痛面色微黃齒垢黃爪甲上
黃黃疸也又如驗產婦面赤舌青母活子死面青舌赤
沫出母死子活唇口俱青子母俱死之類也

聞而知之者。聞其五音。以別其病。

四明陳氏曰。五臟有聲。而聲有音。肝聲呼。音應。角調而直。音聲相應。則無病。角亂則病在肝。心聲笑。音應徵。和而長。音聲相應。則無病。徵亂則病在心。脾聲歌。音應宮。大而和。音聲相應。則無病。宮亂則病在脾。肺聲哭。音應商。輕而勁。音聲相應。則無病。商亂則病在肺。腎聲呻。音應羽。沉而深。音聲相應。則無病。羽亂則病在腎。

問而知之者。聞其所欲五味。以知其病所起所在也。

靈樞云。五味入口。各有所走。各有所病。酸走筋。多食之令人癢。鹹走血。多食之令人渴。辛走氣。多食之令人洞。

心辛與氣俱行故辛入心而與汗俱出苦走骨多食之
令人變嘔甘走肉多食之令人悅心悅音問推此則知問
其所欲五味以知其病之所起所在也。

袁氏曰問其所欲五味中偏嗜偏多食物則知臟氣
有偏勝偏絕之候也。

切脉而知之者診其寸口視其虛實以知其病病在何臟
腑也。

診寸口即第一難之義。

王氏脉法讚曰脉有三部尺寸及關榮衛流行不失衡
銖腎沉心洪肺浮肝弦此自常經不失銖錢出入升降

漏刻周旋水下二刻脉一周身。旋復寸口。虛實見焉。
經言以外知之曰聖。以內知之曰神。此之謂也。
以外知之。聖聞以內知之。問切也。神。微妙也。聖。通明也。